

1,000 Bilsirangna Tom-tomani



Amazing Facts
Poraiani

12



Ian ong-nasienga ine na-a ka-dongchakna man-gen—Kristoni re-bapilani ja-mano bebera-na amsokpilgijagipa 1000 bilsirangona napegen. Aro diabol iani gimin nang-ko uianiko nangnikja, chong-motan uni hajalsa bilsirangna patoko donaniko maina ian uni chong-motgipa cholonko mesokgen. Satan nang-ko togina gita hajalsa bilsini gimin nama kattako banaiaha! Ian kenbegnigipa, gisiko nangatani poraiani ong-a jean nang-ko nang-ni pilak knae ra-giminkogisiko jingjengatna man-gen. Indiba da-o na-a Sastroni aiaio inmangipa bebe ong-anirangko bakbak re-baenggipa 1000 bilsirangni gimin u-ie ra-na man-a!

1

Maia obosta ia 1,000 bilsini somoiko a-bachengata?

“Uamang bilsini hajalsana Jisu baksa tange raja ong-aha” (Parape-a 20:4). (Siani gimin bang-bate u-ina, Poraiani Lesson 10ko nibo.)

Aganchakani: Chakatpilanian 1000 bilsini somoini a-bachengani ong-a.



2

Ia chakatpilaniko mai mingaha? Sawarang iano chakatatako man-gen?

“Ian skanggipa chakatpilani. Skanggipa chakatpilanio bak man-pagiparang kusi ong-a, aro rongtala ong-a” (Parape-a 20:5, 6).

Aganchakani: Iakon skanggipa chakatpilani minga. Jokgiminrang—pilak chasongrangni pattigimin aro ronglatatgiminrang iano chakatpilatako man-gen.

3

Sastro rokom gni chakatpilanirangni gimin agana. Basako gnigipa chakatpilani ong-gen, aro sawarang iano chakatgen?

"Dongpitigipa sigminrang bilsil hajalsa matchotkujana kingking tangjaha"

(Parape-a 20:5). "Maina jensalo gopramrango donggipa darangan uni ku-rangko knagen, aro namarangko dakgipa janggini chakatpilaona, aro namgijarangko dakronggiparang bichalni chakatpilaona ong-katgen" (Johan 5:28, 29).



Aganchakani: Gnigipa chakatpilani bilsil 1,000 matchoto onggen. Jokata manggijagiparang ia chakatpilani chakatgen. Iako sao nangako man-gimin chakatpilani mingaha.

Ka-sapae u-ibe ra-bo: Jokatako man-giparangni chakatpilani 1,000 bilsirangni a-bachengani somoio ong-gen. Jokata man-gijagiparangni chakatpilani 1,000 bilsil bon-ao ong-gen.

4


Maia gipin obostarang 1,000 bilsirangni a-bachengo ong-gen?

"Nibo, ua aramrango rebaenga; aro pilak mikron, aro uko sugiparang uko nikgen" (Parape-a 1:7).

"Maina Gitel an-tangan, inchroa, salgioni ong-onbagen; unon Kristoo sigiparang skang chakatgen. Unikoa an-ching tanggiparang, dongpitigiparang, bangbango Gitelko aramrango uamang baksa damsan rimdoako man-gen" (1 Thessalonikarangna 4:16, 17). "Aro banggribea, manderang a-ao ong-chengaoni uandakgipa banggribea uandake ta-raka ... Aro manderangni kosako salgioni dal-begipa, muanprakmang gita, stil onaha" (Parape-a 16:18, 21). (Jeremia 4:23-26; Isaia 24:1, 3, 19, 20; Isaia 2:21 koba nibo). Skia man-gipa manderangni stilni jirmaniko toe niani gitade 58 oni 100 poundrangni gita ong-a!

Aganchakani: Bilsil 1,000 a-bachengo gipin ong-nasienggipaobostarangara: Itihaso on-gkkugijagipa banggribeani aro stilrang a-ao ga-akha; Jisu An-tangni manderangona aramrango re-bagen; aro pilak toromirang Jisuko bangbango grongna damsan rimdoako man-gen. (Poraiani Lesson 8 o Kristoni gnigipa re-bapilani gimin bang-bate poraibo).





5

Jisuni gnigipa re-baplanio jokgijagipa tange donggipa aro sigiminrangna mai ong-gen?

"Uni ku-chilrangni ku-bibachi ua namgijako dakgiparangko so-otgen" (Isaia 11:4). **"Aro unon ua niam pe-gipa parape-ako man-gen, aro uko Gitel Jisu uni ku-sikni balwachi nisigen, aro uni re-baani mikkang pa-achi gimaatgen"** (2 Thessalonikarangna 1:7, 8). **"Uandake papirang Isolni mikkango gimachina"** (Gitrang 68:2). **"Dongpitgipa sigiminrang bilsa hajalsa matchotkujana kingking tangjaha"** (Parape-a 20:5).

Aganchakani: Jokgijagipa tanggiparang Kristoni gnigipa re-baplanio Uni mikkangon nisiatako man-gen. Jensalo Jisuni goprano sa-gre mikkang pa-ahaon, Romeni chu-gimik sipairang ga-akaha aro sia gita ong-aha (Mati 28:2, 4). Jensalo pilak sa-grerangni, Pagipa Isol, aro Depante Isolniteng-suani damsan ong-on, jokna man-gijagiparang mikka riprapachi nisiatako man-gen. Sigimin denggu manderang Jisuni re-baplanio uamangni goprangrang bilsa halsa matchotkujana kingking donggen.



6

Bilsa hajalsani somoio jokna man-gijagiparang gisik pil-na cholko man-gen ine bang-an bebera-a. Iani gimin Sastro maiko aganaha?

"Aro ua salo Jihovani so-otgimin a-ani ku-chot saoni a-ani ku-chot gipinona donggen: (Jeremia 25:33). "Anga niaha, aro nibo, mande dongjaha" (Jeremia 4:25).

Aganchakani: Bilsa hajalsani somoio darang mandena gisik pil-na man-jawa maina uano darang mandeba agilsako dongjawa. Toromirang salgionsa onggnok. Pilak denggu manderang a-aon sie donggen. Parape-a 22:11, 12 rongtalbee talataniko daka je Jisuni re-bapilna skangan sakanti mandeni gimi chanchianiko matchotatgnok. Jerangan bilsa hajalsa a-bachengaona kingking Kristoko ra-chakna senge donga ru-utbeen senga dongaha.



Toromirang Jisu baksa bilsa hajalsani somoio salgio donggen.



Papirang bilsa hajalsani somoio a-ao sie donggen.

7

Sastro agana Satanko bilsa hajalsani somoio, “tubeao” kae donaha. la a-kolara maiko miksonga?

“Aro anga salgioni sa-gre ong-onbaako, nikaha, uo tu-beani chabi, aro uni jako dal-gipa sliting gngangchim. Aro ua dragon, chong-motan gitchamgipa chipu, Diabol aro Satan ong-gipako rim-e bilsa hajalsana uko ka-aha, aro tu-beaona uko galataha ... maikai ua bilsa hajalsa matchotkujana kingking” (Parape-a 20:1-3).

Aganchakani: “Tu-begipa akol” kattara Greek kata “abusso,” ba abyss” oni ong-bara. la apsangipa kattako **Abachenga 1:2** o Greek ku-siko a-gilsakko ong-atania Niam Gitchamo jakkalaha, indiba uano “chi tu-ani” ine pe-skaaha. A-a porongrong aro bangbang ong-engpitichim, aro andalani chi tu-ani kosako dongachim.” “Chi tuani,” “tu-begipa a-kol aro abyss” ingipa kattarangara apsanko agana—Isolni ong-atna skangde, a-ara chu-gimikan andalachim. Jeremia bilsa hajalsani somoiko talatania **Abachenga 1:2** gitan apsadake a-ani gimin “porongrong aro bangbang” “mande dongjaha, gisim” (**Jeremia 4:23, 25, 28**) ine talataha. Uni gimin bilsa hajalsani somoio, a-ao andalani, mande donggijaniko “tu-begipa a-kol” ingipa kattachi talataha, ian a-gilsakko Ong-atna skang a-bachengani somoio gitan ong-aha. Aroba, bilsa hajalsani somoio, **Isaia 24:22** o Satan aro uni sa-grerangni gimin “koedirangko a-kolo chimonga” gita chimonggen, aro “patoko chipchanggen” ineba aganaha.



8

Satanko slitingchi ka-a ingipara maia? Maini gimin uko kana nangaha?


“Aro salgioni sa-gre ... uni jako dal-gipa sliting gngangchim ... Satan ong-gipako rim-e bilsa hajalsana uko kaaha ... aro uko chipe uni kosako mohor su-aha, maikai ua bilsa hajalsa matchotkujana kingking jatrangko brangatjawa” (Parape-a 20:1-3).

Aganchakani: Slitingara toatna gita chinsa ong-a—ian obostarangchi kaako man-ani sliting ong-a. Kosakoni bil gnganggipako chong-motgipa slitingchi kae chipchange donna man-ja. Satanara “kae donako” man-a gita ong-aha maina ua darang mandekoba dakmajona man-jaha. Jokgijagiparang pilakan sitokaha aro jokgimin pilakan salgio ong-aha. Gitel diabolko ia a-gilsako chipchange dona gita ong-aha jedakode ia a-gilsako darangkoba dakmajona ka-donggenchimoba man-jaha. Diabol, bilsa hajalsana, a-gilsako darangkoba dakmajona man-gija an-tangni sa-grerang baksa dongna draatako man-aniana, slitingchi kae dona gita ong-aha.



Bilsi hajalsa a-bachengani somoini obostarang:

- A. Dal-gipa banggriani aro stil (**Parape-a 16:18-21**).
- B. An-tangni toromirangna Kristoni gnigipa re-bapilani (**Mati 24:30, 31**).
- C. Jokgiminrang janggiona chakatpilani (**1 Thessalonikarangna 4:16**).
- D. Jokgiminrangna jringjrotni sigijaniko on-aha (**1 Korinthirangna 15:51-55**).
- E. Jokgiminrangna Jisu gita bimangrangko on-aha (**1 Johan 3:2; Philippirangna 3:20, 21**).
- F. Pilak toromirang aramrangona rimdoako man-a (**1 Thessalonikarangna 4:17**).
- G. Tange donggipa denggurang Gitelni kusikni kubibachi nisiatako manaha (**Isaia 11:4**).
- H. Jokgijagipa sigiminrang bilsi hajalsa matchotjana kingking tangjaha (**Parape-a 20:5**).
- I. Jisu toromirangko salgiona rimdoanga (**Johan 13:33, 36; 14:2, 3**).
- J. Satan kaako man-aha (**Parape-a 20:1-3**).




Grinatako man-gipa, andalgipa a-gilsakniobosta, ian "tu-begipa a-kol" ong-aha jeon Satanko bilsi hajalsani somoio dongna draatako man-gen.

9

Parape-a 20:4 o aganani gitade bilsi hajalsani somoio salgjo bichal ka-ani donggen. Maini gimin? Sawarang iano bak ra-gen?

"Aro anga, singhasonrangko nikaha, aro uarango asonggiparangna bichal ka-aniko on-aha. Aro uamang bilsi hajalsana Jisu baksa tange raja ong-aha" (**Parape-a 20:4**). "Ba rongtalgipa a-gilsakko bichal ka-gen ine na-simang u-ijama? ... An-chinga sa-grerangko bichal ka-gen ine na-simang u-ijama? (**1 Korinthirangna 6:2, 3**).

Aganchakani: Chasong jolgimikni jokgiminrang (aro haida namgipa sa-grerangba) bilsi hajalsani somoio bichal ka-anio bakko ra-gen. Pilakgimagiminni kamrang, diabol aro uni sa-grerangni kamrangko nipiltaianiko dakgen. Ia bichal ka-ani pilak gimagiminrangni gimin sing-anirangko jokgiminrangna rongtalbee aganchakaniko dakgen. Bon-kamao, Jisu gita janggi tangjaode ba Unbaksa ong-jaode, salgioniko chipchangako man-gen ine pilakan nikna man-gen.



Bilsi 1, 000ni somoirango ong-gipa obostarang:

- A. A-gilsak stilrang ga-akani aro banggriani a-sel bnekatako manaha (**Parape-a 16:18-21**).
- B. A-gilsak chu-gimikan andalaha aro sikdikdikgipa ong-aha (**Jeremia 4:23, 28**).
- C. Satan a-gilsako kaako aro dongna draatako man-aha (**Parape-a 20:1-3**).
- D. Toromirang salgio ong-e bichal ka-anio bakko ra-a (**Parape-a 20:4**).
- E. Denggurang pilakan siaha (**Jeremia 4:25; Isaia 11:4**).

Bilsi hajalsani somoio, a-gilsako donggipa sakanti janggian biap damgnini damsao ong-gen:

(1) A-gilsako, sia aro gimaani, ba (2) salgio, bichal ka-anio bak ra-a. Gitel nang-ko salgio ong-china okamenga. Ka-sapae Uni okamaniko ra-chakbo!

10

Bilsi hajalsa matchoto, rongtalgipa songjinma, Gital Jerusalemko salgioniko a-aona ra-onbagen. Sawarang ian baksa re-bagen? Bano iako dongen?

“Anga ... rongtalgipa songjinma, Jerusalem gitalko, Isoloni salgioni ong-onako nikaha ... Aro anga ua singhasononi gam-bee indina ku-rangko knaaha, Nibo, manderang baksa Isolni dongchakani” (**Parape-a 21:2, 3**). “Nibo, Jihovani sal re-baa ... Aro ua salo uni ja-arang Jerusalemni mikkango salaramchipako donggipa Joitun a-brini kosako chadenggen, aro Joitun a-bri salaramchi aro saliramchi uni jatchio dal-begipa a-kongchi bak gni dake sualko man-gen ... Aro angni Isol Jihova, aro Un baksa rongtalgiparang re-bagen ... Pilak a-song, Gebaoni, Jerusalemni salgipeng Rimmonona kingking a-kawe pil-gen” (**Zekaria 14:1, 4, 5, 10**).

Aganchakani: Gital Jerusalemko jeon da-o Joitun a-bri dongenga uno songdimako man-gen. A-bri a-kawe pil-atako man-gen, jeni kosakon songjinmako dongen. Chasing jolgimikni toromi manderang (**Zekaria 14:5**), salgini sagrerang (**Mati 25:31**), Pagipa Isol (**Parape-a 21:2, 3**), aro Depante Isol (**Mati 25:31**) rongtalgipa songjinma baksa a-gilsakona re-bapilgen maina ian Jisuna dingtangmancha gittamgipa changna re-baani ong-gen. Gnigipa rebapilaniara An-tangni rongtalgiparangna, gittamgipa changde An-tangni rongtalgiparang baksa re-bagen.

Jisuni Minggittam Re-baanirang:




Skanggipa Re-baani
Bethlehem matchuni chikongona



Gnigipa Re-baani
Bilsi 1,000 ni a-bachego An-tangni manderangko



Salgichina rimdona aramrango re-bagen.
Gittamgipa Re-baani
Bilsi 1,000 matchoto rongtalgipa songjinma aro pilak toromi manderang baksa re-bagen.



11

la somoio sigimin denggurangna mai ong-gen? Maikai ian Satanko neng-nikatgen?

“Dongpitigipa sigiminrang bilsa hajalsa matchotkujana kingking tangjaha ... Aro bilsa hajalsa matchotoa Satanko uni patokoniko enggen; aro ua a-ani ki-tik brini jatrangko Gog aro Magogko brangatna, aro uamangko dakgrikaniona chimongna ong-katgen” (Parape-a 20:5, 7, 8).

Aganchakani: Bilsa 1,000 matchoto (jensalo Jisu gittamgipa changna rebapilon), papirang chakatatako mangen. Satan engako man-gen, a-gilsak manderangko tol-napna gaptako (a-gilsakni pilak jatrang) man-gen.

12

Uni ja-mano Satan maiko dakgen?

“Satan ... ua a-ani ki-tik brini jatrangko ... brangatna aro uamangko dakgrikaniona chimongna ong-katgen, uamangni bang-a sagalni an-cheng gita ong-a. Aro uamang a-ani apalako doangaha. Aro rongtalgiparangni a-tipko aro ka-sara songjinmako duulaha” (Parape-a 20:7-9).

Aganchakani: Satan, an-tangni bewal gita, bakan a-gilsako watanggipa manderangko chong-motan chasong jolgimikni papirangko tol-napna a-bachenggen. (Satanni a-bachengani gimin bang-bate u-ina Poraiani Lesson 2ko nibo). Ua an-tangnisa ong-a ine a-kange ra-naba donga, ua kragija bichal ka-ako man-esa salgini songnokoni galonatako man-aha, Isolar bilna okkrigipa aro mangnamgijagipa ong-a ine uamangko bebera-atgen, uamang ku-cholsan ong-ode, Isolde cholko man-jawa. A-gilsak gimik songjinmani kosako ong-ode, cheani uamangni ong-gen. Indake jatrang ku' cholsan ong-gen aro an-tangtangni sipairangko Gital Jerusalemko changdulna tarigen.





13

Maia Satanni songjinmako rim-gittangna ba nisiaatna miksonganiko dontongatgen?

“Unon wa-al salgioni ong-onbae uamangko minokaha. Aro uamang brangatgipa Diabolko wa-alni aro gondokni wario galaha, uan gnigipa siani ong-a” (Parape-a 20:9, 10; 21: 8). “Aro na-simang denggugiparangko ga-bekgen; maina angni dongimin salo uamang na-simangni ja-pani ning-o tappra ong-gen ine Kotokrangni Jihova agana” (Malaki 4:3).

Aganchakani: Wa-al bakan salgioni papirangni kosakona ong-onbagen (bang-arangni bebera-ani gita, norokoni ong-ja) aro diabol aro uni sa-grerangko man-gope, pilakkon tappra ong-e kamgen (Mati 25:41). Ia wa-al jean papko aro papirangko nisiaatgen, ukon gnigipa siani mingaha. Siaoni chakatpilani dongjawaha. Ian bon-kamani ong-a. Iako u-ie ra-bo, bebera-rongbewal gita, diabol wa-alko champengna man-jawaha. Ua uno ong-gen, and uko bon-kimitatsranggen. (Wa-al ba Norokni gimin chu-gimik ma-sina Poraiani Lesson 11ko nibo. Siani gimin bang-bate u-ina, Poraiani Lesson 10 nibo).

14

Jensalo papirangko kamtokahaon aro wa-al kimitako man-ahaon, maia rasongni, aro gisiko nangatani uni ja-mano ong-gen?

“Maina, nibo, anga salgi gital, aro aha gitalko ong-ata” (Isaia 65:17). “Anching gital salgirang ro gitl aako nichaksoenga, jeo toRomrangna dongkama” (2 Pitor 3:13). “Aro singhasono asonggipa inaha, “Nibo, anga pilakkon gita daka” (Parape-a 21:5). “Manderang baksa Isolni dongchakani, aro ua uamang baksa donggen, aro uamang uni manderang ong-gen” (Parape-a 21:3).

Aganchakani: Isol gital salgirangko aro gital a-ako ong-atgen, aro Gital Jerusalem gital a-ani skotong songjinma ong-gen. Pap aro uni ong-siani pangnajolna re-anggnok. Isolni manderang bon-kame uamangna ku-rachakgipa songnokko man-rikgen. “Uamang katchaaniko aro ka-srokaniko man-gen, aro kalimani aro skimani katanggen” (Isaia 35:10). Iako talatna bebera-na amsokgija ong-a aro rasongko gimaatna gualbeani ong-gen! Isol uano nang-na biapko tarisoaha (Johan 14:1-3). Uno dongna miksonganiko dakbo. Jisu nang-ni namnikpaanina sengtime dongenga. (Salgini gimin chu-gimik ma-sie ra-na, Poraiani Lesson 4 ko nibo).



Bili 1,000 matchoto Ong-gni Obostarang:

- A. Jisuni toromirang baksa gittamgipa re-baani (Zekaria 14:5).
- B. Rongtalgipa Songjinma Joitun A-brio dongkamgen, jekon a-kawe pil-atgen (Zekaria 14:4, 10).
- C. Pagipa, Uni sa-grerang, aro pilak toromirang Jisu baksa re-bagen (Parape-a 21:1-3; Mati 25:31; Zekaria 14:5).
- D. Denggu sigiminrang chakatatako man-gen; Satanko engako man-gen (Parape-a 20:5, 7).
- E. Satana-gilsak gimikko tol-nappen (Parape-a 20:8).
- F. Papirang rongtalgipa songjinmako changdulgen (Parape-a 20:9).
- G. Papirang wa-alchi nisiatako man-gen (Parape-a 20:9).
- H. Gital salgirang aro a-gilsakko ong-atgen (Isaia 65:17; 2 Pitor 3:13; Parape-a 21:1).
- I. Isolni manderang Isol baksa jringjrotna gital a-gilsako kusi ong-e donggen (Parape-a 21:2-4).



15

Baditana bakkake ia obostarang ong-genchim an-ching u-ina man-genma?

“Uandake na-simangba, jensalo ia pilakkon na-simang nika, uan sepangaha, cholgugaona sokbaaha ine u-ibo” (Mati 24:33). “Indiba iarang ong-bachengon na-simang nichaobo, sko de-chaobo; maina na-simangni piokani sepangjok” (Luk 21:28). “Maina uko matchote aro kan-dikate Gitel a-gilsako an-tang katako chu-sokatgen” (Romrangna 9:28). “Maina jensalo Tom-tomani aro name dongani ine manderang agana, unsalo uamangna ring-gitik gimaani sokbagen” (1 Thessalonikarangna 5:3).

Aganchakani: Jisu aganaha jensalo Uni rebaani chinrang mingsani jamano mingsa dake taraken chusokengahaon, an-ching katchana aro u-ina nanga maina ia papni a-gilsakna ru-utgijan bon-ani sepangaha—cholgugaonaha. Jensalo a-gilsako tom-tomanina bilakgipa kam ka-aniko dakon an-ching a-gilsakni chon-kamaniona re-baengaha ine u-ina man-a ine WatatarangPaul aganaha. Bonkame, Sastro agana, Isol kamko kandikatgen (Romrangna 9:28). Uni gimin mamungba kenchakani grian u-ina man-a je an-chingara sro ra-gipa somoiosa janggi tangengaha. Gitel chanchisogijani somoio rang-gitik re-bagen, je kontakon darangba u-ina man-ja indiba Isol Pagipasan u-ia (Mati 24:36; Watatarang 1:7). An-chingni naljokna man-anide da-on tarina nangaha.



16

Jisu, jean nang-na namen ka-sara, Uni jringjirotni aiao inmangipa songnoko nang-na biapko tariseongaha. Jisu An-tangan nang-na tarisoenggipa rasongni noko dongna na-a tarisamsoengama?

Nang-ni Aganchakani:



Nang·ni Sing·anirangna Aganchakaha

1. Rongtalgipa Songjinmako ra-onbaani saloni, salgioni wa-alchi denggurangko nisiataona kingking badita ru-ute somoiko ra-gen?

Aganchakani: Sastro agana, “dikdiksana” (**Parape-a 20:3**). Satan an-tangni miksongako aro dakgrikani silchidareko tariemanderangko an-tangko ja-rikatna chu-onga gitan somoiko nanggen. Tiktak somoiko jakkalani gimin Sastroo parape-jaha.

2. Maidakgipa bimangrangko manderang Isolni gitalgipa songnoko man-gen?

Aganchakani: Pioka man-giminrang Jisuni bimang gita ong-gen ine Sastro agana (**Philippirangna 3:20, 21**). Chakatpilani ja-mano Jisuo chong-motgipa be-en bimang dongchongmota (**Luk 24:36–43**). Jokgiminrang memangrang ongjawa. Jedake Adam aro Hoba chong-motgipa be-en bimangrang donga apsandake, uamang chong-motgipa manderang ong-gen.

3. Jisuni gnigipa re-bapilanina maikai gimagiminrang aganchakgen?

Aganchakani: Sastro agana uamang “a-brirangna aro ro-ongrangna, aganaha, “Chingni kosako ga-akbo, aro Mes Bi-sani ka-onangaoniko chingko donnubo, aro sawa chadengna ama?” (**Parape-a 6:16, 17**). (pod 14 aro 15 koba nibo). Toromirang indine aganskagen, “Nibo, ian an-chingni Isol; an-chinga Una sengooha, aro Ua an-chingko jokatgen; ian Jihova ong-a; an-chinga una sengooha, an-chinga katchagen aro Uni jokatanio ka-srokgen” (**Isaia 25:9**).

4. Papirang Gital Jerusalemni ning-o donggipa toromi manderangko nikatna man-genma?

Aganchakani: An-ching chong-mot ong-edo u-ina man-ja, indiba Sastro aganaha je songjinmani pakmarang krystal gita grikgipa, jasper ro-ong gita (**Parape-a 21:11, 18**). Mitam bebero-a je **Gitrang 37:34 aro Luk 13:28** o pangchake jokgimin aro jokgijagiparang saksa sakgipinko nikna man-gen.

5. Sastro agana, Isol An-tangni manderangni mikronrangni mikchirangko u-sitgen aro uano siani, kalimani, ba saknaani dongjawaha. lara basako ong-gen?

Aganchakani: **Parape-a 21:1-4 aro Isaia 65:17** o aganani gitade, papko a-gilsakoniko rongtalatani ja-manosa ong-gen dake nika. Bon-kamgipa bichal ka-aniko dakani aro papko wa-alchi nisiatani somoio Isolni manderang duk ong-na bang-en a-selrang donggen. Maina uamangni ma-drang aro ripengskarangko gimaaha ine u-igen aro je manderangna uamang ka-saahachim uamangko wa-alo nisiataha ine nikahaon ka-beani mikchirang aro ka-tongni sa-dikanirangko kenchaka grianIsolni manderangona ra-bagen. Indiba wa-al kimitahaon, Gitel uamangni mikchirangko u-sitgen. Ua gital salgirang aro gital a-gilsakko An-tangni manderangna daktaigen, jean uamangna aganna amsokpilgijagipa kusi ong-ani aro chu-sokaniko ra-bagen. Aro kalimani, duk ong-ani, grapani aro ka-tong saani pangnajolnan re-anggnok aro dongjawaha. (Isolni manderangna salgini nokni gimin bang-bate u-ina Poraiani Lesson 4 ko nibo).



6. Maikai namgijagipa sa-grerang aro denggu manderangko nisiataniara, Isol Pagipa aro Uni Depanteko duk ong-atgen?

Aganchakani: Beben uamang nina nitogijagipa papni canceroni pangnajolna jakgitel ong-ataniko man-gnok aro katchaanio ong-gen aro a-gilsak aro salgisak pangnajolna naljokanio ong-gnok. Indioba, uamang dukkoba chagrongna nanggen maina uamang an-tangtaggni ka-sagiminrangko gimaatna nanggnok, jerangna Jisu sichakaha, jerangan papo dongkamna basee ra-aha aro janggi jokaniko jegalaha. Satan chang-saode an-tangan uamangni ripeng ong-ahachim, aro wa-alo gala man-gimin banga manderangan uamangni ka-sagimin dedrangrang ong-ahachim. Bamgija dake Nang-oni katanggipa dedrangrangni nisiataniko nikna namen duk ka-beani ong-gen. A-bachengaoni papni a-sel onjetgipa balara Pagipa aro Depanteni kosako onggen. Uamangni miksonganiara manderangna ka-sana aro ka-sine uamangko janggi jokaniona rimbanasa ong-achim. Uamangni chanchianiko **Hosea 11:8** talataniko dakaha, jeon indake agana, "Anga nang-ko maikai watgen, O Ephraim? Anga nang-ko maikai watgalgen, O Israel? ... Angni ka-tong ang ning-o pil-aha, angni ka-sachakanirang ding-baaha" (**Hosea 11:8**).

7. Maidakgipa be-en bikap Jisuo dongaha?

Aganchakani: Uo be-enni bimang aro grengrang gnang. Uni chakapilani ja-mano, Jisu An-tangni sninggiparangna mikkang pa-aha (**Luk 24:36-43**) aro An-tango be-en aro grengrang donga ine uamangko An-tangni be-enko dangtapna on-anichi aro na-tok aro bija bitchiko cha-anichi mesokaha.

Jisu Salgichina Gadoanga

Uni jamano Ua uamang baksa Bethanyona jaachi reangaha, aro Ua uamang baksa angagrikaniko dakani jamano, salgichi doangaha (**Luk 24:50, 51**). Jisuni salgichina doangmitingo sagre jean sninggiparangna mikkang paaha indine talataniko dacha, "Ia Jisuan, jeko na-simangoniko salgiona rimdoangaha, jekai na-simang uko salgiona re-angako nikaha, uandake re-bagen" (**Watatarang 1:11**).

Ia Apsan Jisuan Re-bapilgen

Sa-greni talatani gita ia apsan Jisuan (be-eno aro grengrang) re-bapilgen. Uan chong-mot ong-gen, me-mang ongjava, aro chakatpilako man-gipa toromirang Ugitan bimang donggen (**Philippirangna 3:20, 21; 1 Johan 3:2**). Rongtalgiparangni gitalgipa bimangarang sogijagipa aro jringjrotna sigijagipaba ong-gnok (**1 Korinthingrangna 15:51-55**).

Nang.ni agananiko ba sing.anirangko iano sebo



Poraiani lesson 14 rangoni ia lesson sa ong-a!

Lesson prakan chong-motgipa alao inmanirang baksa gapatako man-aha jean nang-ko aro nang-ni nokdangko dingtangatgen aro nang-na baikamgipa ka-donganiko ra-bagen.
Mingsakoba watchangalnabe!

Poraiani 01: Nang-ni Ka-dongchakna Man-gijani Uano Maiaba Dongkuengama?

Poraiani 02: Isol Diabolko Ong-atahama?

Poraiani 03: Sina Nangaoniko Jokataha

Poraiani 04: Bangbango Donggipa Mingsinggipa Songjinma

Poraiani 05: Kusi Ong-gipa Bia Ka-ani Chabirang

Poraiani 06: Rong-plengo Seaha

Poraiani 07: Itihasni Gimagimin Sal

Poraiani 08: Bon-kamgipa Naljokatani

Poraiani 09: Rongtalani & Bil!

Poraiani 10: Sianiara Sibebani Ong-ama?

Poraiani 11: Diabolara Norokko Nirok Simsakgipa Ong-ama?

Poraiani 12: 1,000 Bilsirangna Tom-tomani

Poraiani 13: An-sengbaljokanina Isolni Indin On-gipa Daksamsoani

Poraiani 14: Katta Maniara Niamko Kingkot Dake Manianima?

Jensalo na-a Poraini 14 ni skanggipako matchotahaon, bang-bate poraidapaniko dakna chingoniko bi-atbo:

Amazing Facts India, Post Box No 51, Banjara Hills, Hyderabad -500034

la Summary Sheet-ko matchotna skang ia lesson-ko poraichengbo. Aganchakani gimikkon Study guide-o man.gen. ong.gipa aganchakani-o check(✓)- ko donbo. **Parenthesis-o ong.gipa number-rang (1) badita ming aganchakanirang ong.a uko mesoka.**

Form-ko gapatna “Adobe reader” ko jakkalbo.

1. Parape-a 20 ni bilsu 1,000 ni a-bachengo ong-gnigipa obostarangko chin dakbo (10)

Jisuni gnigipa re-bapilani

Banggria aro stil ona

Toromirang gopramoni chakatatako man-gen.

Satanko kagen.

Tange donggipa papirang so-otako man-gen.

Toromirang jringjrota sigijaniko on-gen.

Rongtalgipa Songjinmako ra-onbagen.

Toromirangko salgichina rimdoanggen.

Papirang goprangrang sie donggen.

Totomirangna Jisu gita bimangrangko on-aha.

Toromirangko aramrangrang rimdoanga.

Mitam joggiminrang a-ao dongrikgen.

2. A-gilsako pilak tange donggiparang Jisuko gnigipa re-bapilano nikgen (1)

Bebe

Tol-a

3. Salgio toromirang me-mang gita bimangrang donggen. (1)

Bebe

Tol-a

4. Ka-mao on-sogipa badiarang bilsu 1,000 somoini ni gimin bebe ong-a? (2)

Bang-a papirang gisik pil-gen.

Satan aro uni sa-grerang a-gilsako dongna draatako man-gen.

Satan obostachi kaako man-gen je uano televisionko nina man-jawa.

Bilsu 1,000 mitingo a-gilsako salni teng-suani aro seng-ani donggen.

Satan sigimin denggurangko unbaksa dongna janggiona chakatatgen.

Toromirang salgio ong-gen, aro bichal ka-ano bak ra-gen.

5. Bilsu 1,000 ni matchoto ka-mao on-gipa badia obostarang bebe ong-a? (4)

Kristo bongagipa changna rebapilgen.

Rongtalgipa songjinmako Washington, D.C ni jolona ra-onbagen.

Namgipa sa-grerang, Pagipa Isol, aro toromirang Jisu baksa re-bagen.

Denggurang chakatatako man-gen.

Jisu An-tangni toromirang baksa re-bagen.

Isol denggurangko chakatpilatna jedakeba chanchijawa.

Denggurang ka-onanggipa namgijagipa sa-grerangchi nisiatako man-gen.

Isol gital salgisak aro gital a-gilsakko daktaigen.

Isol Satanko agilsak aro salgisakni pil-sachi watatgen.

Diabol rongtalgipa songjinmako bilakgipa gitalgipa missilechi gimaataniko dakgen.

6. Satanko kagipa slitingara (3)

Chinsa ong-a—obostarangchi kaani.

A-gilsako dongna uko draatgen.

Gitalgipa, gitalgipa siloniko tarigen.

Konta 24 ni gisepo uko diabolchi be-atgen.

Isolni manderangko jerangan salgio naljoke donggen majaoanirangko dakjana uko rakkigen.

7. **Tugipa akolni gimin badia aganirang kakket onga (2)**

lan aani ningo apalgipa akol tugipa onga.
lani orto “abyss” ine miksonga.
lan a-gilsakni gimin agana—andalani,
bangbang aro mamungba giani
la norokni minggipin bimung ong-a.

8. **Badiarang skanggipa, gnigipa, aro gitamgipa Jisuni re-bapilani gimin bebe ong-a? (3)**

Skanggipa re-baaniara bi-sa ong-e
Bethlehemona re-baani ong-achim.
Skanggipa rebaaniara Noahni salo onga.
Gnigipa re-baaniara Martin Lutherni salo ong-a.

Gnigipa rebapilani bilsa 1,000ni abachengo ong-gen.

Gitamgipa re-bapilani bilsa 1,000 matchoto ong-gen.

Gitamgipa re-bapilani gitalgipa a-ako ong-atani ja-manosa ong-gen.

9. **Wa-alni gondoko sigigipa papirangan gnigipa siani ong-a.(1)**

Bebe To-a.

10. **Jisuni angna tarisoenggipa aiao inmangipa noko anga dongna miksongenga.**

Oe Ong-ja

Kosako sing.anirangna bon.e aganchakbo!



Nang.ni bimung, email aro phone no. ko enroll ka.na gita gapatbo.

Nang.ni minggipin indin on.gipa Study guide-ko man.a gita “Submit” ingipao click ka.bo.

Nang.ni bimung :				
Nang.ni Email :				
Phone Number :				
Nang.ni Address :				
City, District :	State :	Country :		
Pin :	Bilsa :	Misi :		

Nang.ni contact info-ko tik dake on.bo